

脈因證治

中國醫學大成第七集

內科類

脈因證治

一

上海大東書局印行

脈因證治提要

元朱震亨著。其卷一。列卒尸、痺、瘧、痿、厥、傷寒、大頭、腫痛、霍亂、瘟病、傷暑、瘧、疸、癰、其卷二。列熱、吐衄、不止、下利、泄、自汗、頭汗、汗淋、頭目痛、眩暈、心腹痛、腰痛、肩背痛、脅痛、逆痰、嗽、喘。其卷三。列宿食、留飲、噎氣、吞酸、嘈雜、積聚、消渴、痞、腫、脹、嘔、吐、噎、膈、瘡、瘍、癰、疽。其卷四。列乳癰、瘰癧、丹疹、金瘡、傾仆、百藥中傷、癲狂、驚癇、疝癇、腳氣、蟲、喉、痺、口、舌、耳、目、鼻、齒、結、燥、痔、漏、婦人胎產、帶下、經候、崩漏、小兒雜證。雜治。五臟證。七情證。雜脈。察視、汗、等七十證。詳列諸病。先脈次因。次證次治。頗有條理。繆遵義云。脈因證治一書。簡而賅。約而備。學者循是而窺長沙。如得其舩與楫。沿而不止。固自不可量也。而流傳絕少。歷三十年未獲一覩。心常快快。歲乙未。客有持來示余。欲廣諸同好。亟請付梓。云云。查四庫總目。亦有脈因證治八卷。不著撰人名氏。將各證分屬春夏秋冬四季。未免牽強。分別真陰元陰。真陽元陽。其意主先後天立說。然所載方如左歸丸、右歸丸。皆出自明景岳全書。而亦以古目之。知其斷非震亨所著矣。茲恐後學誤會。特表而出之。

繆序

余自歸里後。杜門不與世事接。先太宜人病瘵。飲延葉眉壽治。歷四年弗痊。而眉壽謂爲痼疾難效。因偏覽方書。頗會其旨。揀方以治。不一年而瘵後遂旁搜博採。窮幽極渺。而於長沙河間東垣子和丹溪諸書尤三致意焉。竊嘗謂醫之有長沙時中之聖也。而四家並峙。猶清任和之各成其聖。偏焉而至者也。學不從此參究。猶航斷港絕潢。以望至於海也。其能之乎。但四家自河間東垣而外。子和文多缺略。未爲全書。丹溪著作。類出門人記載。惟聞脈因證治一書。簡而該。約而盡。學者循是而窺長沙。如得其綏與楫。沿而不止。固自不可量也。而流傳絕少。歷三十年未獲一觀。心常怏怏。歲乙未。客有持來示余。欲廣諸同好。亟請付梓。不禁欣感交集。以爲一線靈光。忽然湧現。真爲桑榆之幸。因不辭而爲之序。以弁其首。

乾隆乙未仲夏吳趨繆遵義書於芝田山房

脈因證治目錄

卷一

一 卒尸	一
二 痺	三
三 瘰	六
四 痿	七
五 厥	九
六 傷寒	一〇
七 大頭腫痛	三〇
八 霍亂	三〇
九 瘟病	三二
十 傷暑	三二

卷二

十一 瘰	三四
十二 疽	三九
十三 勞	四一
十四 熱	一
十五 吐衄下血	八
十六 下痢	一四
十七 泄	二二
十八 自汗頭汗	二四
十九 淋	二五
二十 頭目痛	二八

二十一眩暈	三三
二十二心腹痛	三四
二十三腰痛	三九
二十四肩背痛	四二
二十五脇痛	四三
二十六逆痰嗽	四五
二十七喘	五三

卷二

二十八宿食留飲	一
二十九噯氣吞酸嘈雜	八
三十積聚	一〇
三十一消渴	一六
三十二痞	二一

卷四

三十三腫脹	二三
三十四嘔吐噦	三三
三十五噎膈	四〇
三十六瘡瘍	四三
三十七癰疽	五〇
三十八乳癰	一
三十九瘰	二
四十發癰	四
四十一丹疹	四
四十二金瘡	五
四十三傾仆	六
四十四百藥中傷	八

四十五癲狂	八
四十六驚悸	一〇
四十七疝癰	一二
四十八脚氣	一七
四十九蟲	二二
五十喉痺	二三
五十一口	二五
五十二舌	二六
五十三目	二七
五十四耳	三一
五十五鼻	三二
五十六齒	三三
五十七結燥	三四
五十八痔漏	三六

五十九婦人產胎	三九
六十帶下	四四
六十一經候	四七
六十二崩漏	四八
六十三小兒證	五〇
六十四雜證	五二

脈因證治

元 金華 朱丹溪震亨撰著

鄞縣 曹赤電炳章圈點

卷一

一卒尸

脈。寸口沉大而滑。沉則爲實。滑則爲氣。實氣相搏。厥氣入臟則死。入腑則愈。身冷。爲入臟死。身和汗自出。爲入腑則愈。緊而急者。爲遁尸。少陰不至。腎氣衰少。精血爲尸厥。跌陽脈不出。脾不上下。身冷硬。呼之不應。脈絕者死。脈當大。反小者死。

證治。在外者可治。入裏者死。血氣并走於上。則爲厥暴死。素有痼疾。新加卒病。先治卒病。尸厥者。昏不知人。脈動如故。開上焦心肺之陽自愈。尸厥脈動無氣。氣閉靜而死也。以

蒲菖屑內鼻兩孔中吹之。令人以桂屑放舌下。

又方 剔取左角髮方寸燒末。酒和灌入喉立起。

救卒死身熱者驗方

礬石半升。以水一斗五升。煮消。浸脚令沒踝。蓋取礬性收瀉。而斂其厥逆之氣。

還魂湯

治卒死客忤氣。

麻

黃三兩去節

杏

仁八升去皮尖

炙甘草一兩

右三味。水八升。煮取三升。去粗入薑汁少許令咽之。蓋取辛甘通陽氣。發越邪氣故也。

救卒死目閉方

搗薤汁灌耳中妙。或吹皂莢末於鼻中立效。薤汁辟邪安魂。莢末取嚏開竅。

救卒死張口反折方

灸手足兩爪後十四壯。飲以五毒諸膏散。

外有中惡。中氣中食等狀。與卒尸相類。須詳諦脈證而投之。慎勿泛視。誤人倉

卒。變通在神。法難畢述。

一一痺

脈。寸口喘而堅。痺在心。

喘而浮。痺在肺。

長而左右彈。痺在肝。

大而虛。痺在

脾。堅而大。痺在腎。

因風。風爲行痺。風性善行。

寒。寒爲痛痺。寒主收引。

濕。濕爲着痺。濕本重滯。

三氣致痺之原。或外兼他患有之。若舍此而能痺。未有也。

證。其合而爲痺也。以冬遇者骨痺。春遇者筋痺。夏遇者脈痺。長夏遇者肌痺。秋遇

者皮痺。久而不去。內舍五臟之合。待舍其合。難治矣。

痺論中議痺。乃三氣皆可客於五臟。其風寒濕乘虛而客之故也。筋痺不去。內

舍於肝。皮痺不去。內舍於肺。肌痺不去。內舍於脾。脈痺不去。內舍於心。骨痺不

去。內舍於腎。其客於心。則煩心。上氣噤乾。恐噫厥脹是也。其客於肺。使人

煩滿而喘吐。其客於肝。多飲數溲。小腹痛如懷妊。夜臥則驚。其客於脾。四

肢解墮。發渴嘔沫。上爲大塞。其客於腎。善脹尻以代踵。脊以代頭。其客於

腸數飲而小便不得。中氣喘爭。時發飧洩。夫大腸乃傳道之官。爲沖和之氣。三氣乘虛客之。而和氣閉矣。水道不通。使糟粕不化。故喘爭飧洩也。其客於胞小腹膀胱。按之內痛。若沃以湯。小便澀。上爲清涕。夫三氣客於胞中。則氣不能化出。故胞滿而水道不通。隨經出鼻竅。其客於血脈。隨脈流通。上下升降一身。謂之周痺。

華佗論痺。乃邪氣合四時不正之氣。感於臟腑。所爲有氣、血、筋、肉、骨之分。其氣痺者。愁思喜怒。過則氣結於上。久而不消。則傷肺。正氣衰。邪氣勝。留於上。則胸腹痛而不能食。注於下。則腰脚重而不能行。貫於舌。則不言。遺於腹。則不溺。壅則痛。流則麻。右寸脈沉而遲濇者是也。其血痺者。飲酒過多。懷熱太甚。或寒折於經絡。或濕犯於營衛。因而血搏。漸成枯削。失血之證。左寸脈結而不流利是也。其肉痺者。飲食不節。肥美之爲肉不榮。膚不澤。則紋理疎。三氣入之。則四肢緩而不收持。右關脈舉按皆無力而澀也。其筋痺者。由叫怒無時。行步奔急。淫邪傷肝。肝失其氣。寒熱客之。流入筋會。使筋急而不舒。左關脈弦急而數。浮沉有力是也。其骨痺者。乃嗜慾傷於腎氣。內消而不能閉禁。邪氣妄入。

脈遲則寒。數則熱。浮則風。濡則濕。滑則虛。治法各隨其宜。

麻木餘辨。是風濕熱下陷入血分陰中。陽氣不行。其證合目則渾身麻。亦有

痰在血分。痒者。血營肌腠。

治。附子湯。治風寒濕痺。

附子炮去

桂枝

白芍

甘草

茯苓

人參各三錢

白朮一兩

行痺。加麻黃桂湯。

痛痺。加附子、薑茯苓湯。

胞痺。加四苓。

腸痺。加平胃菜

黃草肉豆蔻等。

載人法。苦劑湧寒痰。次與痰劑。使

白朮除濕

茯苓養腎

桂伐木

薑助陽

麻木方

人參助陽

當歸行陰

生甘草去熱

白朮

茯苓除濕

升麻

柴胡

白芍

蒼朮

黃蘗痰加二陳

忍冬藤膏。治五痺拘攣。

二一瘧

即瘧也

脈。太陽發熱。脈反沉細難愈。太陽證備。脈沉遲。此爲瘧。寸口脈直上下行。伏

緊如弦。沉弦沉緊。少陰脈緊。暴微者欲解。

因。血氣內虛。四氣外襲。因濕諸瘧。項強皆屬於濕。寒濕同性。故濕可傷太陽。

三因論狀。身熱足寒。頭強項急。惡寒時頭熱。面赤目赤。脈獨頭搖動。卒噤。角弓反張。皆因血虛筋無所養。邪因入之。故寒則緊縮。熱則弛張。風則弦急。濕則脹緩。又有因瘡口未合。風入之。爲破傷風。濕入之。爲破傷濕。與瘧同。但少頭強項急。餘並相如。

又有因汗下過多。

又有產後怒氣致此病者。項強亦有痰者。

證。有汗而不惡寒。名柔瘧。無汗口噤脚攣。名剛瘧。

治。宜流濕祛風。緩表而安。詳有無汗而藥之。

柔瘧。葛根加桂湯。剛瘧。大承氣湯。葛根湯。汗之。有表證可用。大承氣下

之。有裏證可用。

四痿

脈浮而大。浮虛大熱。滑而大。滑痰大虛。洪而緩。洪熱緩虛。因腎水不能勝心火。火上燦肺金。六葉皆焦。皮毛虛弱。急而薄着者。則生痿。皆因貪慾好色之故。濕痰亦能爲之。

經論有由悲哀太甚。陽氣內動。數洩血。大經空虛。熱起於心。病則樞紐如折。不相提挈。名曰脈痿。

有思想無窮。入房太甚。宗筋弛縱。熱入於肝。病則筋急而爪枯。名曰筋痿。有由濕地以水爲事。熱生於脾。病則胃乾而渴。肌肉不仁。名曰肉痿。

有因遠行勞倦。遇大熱而渴。陽氣內乏。熱舍於腎。病則腰脊不舉。骨枯而髓減。名曰骨痿。然此皆熱熏於肺之爲也。火上炎肺。治節不行。而痿。臂矣。

證面黃身熱。肌瘦往來寒熱。涎嗽喘滿。面浮弱而不用者爲痿。外有痿。即軟風也。柔風脚弱。病同而證各異。

治法。獨取陽明。陽明者胃脈也。五臟六腑之海。主潤宗筋。宗筋主束骨而利機關也。故陽明虛而然。

張以黃連解毒湯加歸等劑治之。

李以甘寒瀉火。苦寒瀉濕熱。四君子補陽明虛。清暑益氣治之。濕痿之爲病。宜二陳湯加朮苓藥治之。

清暑益氣湯 治熱傷肺氣虛成痿

黃

芪

一錢 衛氣少 補之

人

參

救火

白

朮

各半

蒼

朮

一錢 除濕

甘

草

炙三錢 益氣

當

歸

三錢

升

麻

一錢 酒潤 甘平

葛

根

二錢

陳

皮

半錢

澤

瀉

半錢 濕

神

麴

半錢 消痞

五

味

九分 酸寒

麥

門

冬三錢

青

皮

半錢

黃

蘗

三錢 補熱

或加知母黃芩

健步丸 治濕熱成痿

羌

活

防

風

柴

胡

滑

石

炙甘草

生

薑

酒洗 各半兩

澤

瀉

五錢

防

己

酒製 一兩

川烏

苦參酒洗

肉桂一錢

愈風湯下。

祕方

氣虛。四君子加蒼、白朮、苓、朮。

痰。加竹瀝。

血虛。四物湯。

濕

痰。二陳湯加蒼、白朮、苓、朮、竹瀝。下補陰丸。

經論瘡痂乃腎虛也。舌不語。腎脈夾舌本。腎氣厥不至。足不行。腎氣不順。

五厥

脈沉微而不數。謂之寒厥。沉伏而數。謂之熱厥。

因虛。因痰。因熱。因寒。

證厥當分二種。次分五臟。寒厥爲手足寒也。陰氣勝則寒。其由乃恃壯縱慾於

秋冬之間。則陽奪於內。精氣下溢。邪氣上行。陽衰精竭。陰獨行。故爲寒厥。熱

厥爲手足熱也。陽氣勝則熱。其由乃醉飽入房。氣聚於脾胃。陰虛陽氣入則胃

不和。胃不和則精竭。精氣竭則四肢不榮。酒氣與穀氣相搏。則內熱而溺赤。腎

氣衰。陽獨勝。故爲熱厥。

五心煩熱。有小腸熱者。有心虛而熱者。

厥亦有腹暴滿不知人者。或一二日稍知人者。或卒然衰亂者。皆因邪氣亂。陽氣逆。是少陰腎脈不至也。腎氣衰少。精氣奔逸。使風促迫。上入胃膈。宗氣反結。心下陽氣退下。熱歸股腹。與陰相助。令人不仁。又五絡皆會於身。五絡俱絕。則令人身脈俱動。而形體皆無所知。其狀如尸。故曰尸厥。正由臟氣相亂。或與外邪相忤。則氣鬱不行。閉於經絡。諸脈伏匿。昏不知人。厥有痰如曳鋸聲。在咽中爲痰厥。骨枯爪痛爲骨厥。身直如椽爲肝厥。因醉而得爲酒厥。暴怒而得爲氣厥。手足搖擗爲風厥。喘而狂走爲陽明厥。此皆氣逆之所爲也。

治。李法。痰用白朮竹瀝。熱用承氣下之。氣虛補氣四君子。血虛補血四物。張法。降心火。益腎水。通血和氣。必先涌之。

六傷寒

脈。陽浮而陰弱。謂之傷風。邪在六經俱強。加之風傷陽。故浮虛陽浮。衛中風也。陰弱營氣弱也。

浮緊而無汗。謂之傷寒。寒傷營。營實則衛虛。寒傷陰。故堅牢。陽緊。邪在上焦主欲嘔。陰緊。邪在下焦必欲利。

脈浮。頭項痛。腰脊強。病在太陽。脈長。身熱目痛鼻乾。病在陽明。脈弦。胸脇

痛而耳聾。病在少陽。脈俱沉。口燥舌乾。邪在少陰。脈俱微緩。煩滿囊縮。邪

在厥陰。脈俱沉細。噤乾腹滿。邪在太陰。脈陰陽俱盛。重感於寒。而緊瀋變

爲溫瘧。陰陽俱盛。傷寒之脈。前病熱未已。後寒復盛也。脈陽浮滑。陰濡弱。更

遇於風。乘變爲風溫。陽浮而滑。陰濡而弱。皆風脈也。前熱未歇。風來乘熱。脈

陽洪數。陰實大。遇濕熱兩合。變爲溫毒。洪數實大。皆兩熱相合。脈陽濡陰弱。

而陰弦緊。更遇溫氣。變爲溫疫。病發熱。脈沉而細。表得太陽。名曰瘥。病太陽身熱疼。脈微弱弦芤。名曰中暍。

病若發汗已。身灼然熱。名曰風溫。風溫爲病。脈陰陽俱浮。自汗出。身重多眠。

睡。𦣻語難。以小便利。更被其下。若被火者。微發黃色。劇者則驚癇。時瘕瘕。若

火熏則死。病太陽關節疼痛而煩。脈沉細。名曰濕痺。脈沉細而疾。身冷則

四肢冷。煩躁不欲飲水。狂悶。名曰陽厥。脈當有神。不問數極遲敗。當中有有力。

卽有神焉。神者。血氣之先。傷寒熱甚。脈浮大者生。沉小者死。已汗沉小者生。浮大者死。溫病二三日。體熱腹滿頭痛。飲食如故。脈直而疾者。八日死。溫病八九日。頭身不痛。目不赤。色不變。而反利。脈來牒牒。按之不彈手。時大。心下堅。十七日死。溫病四五日。頭痛腹滿而吐。脈來細強。十二日死。溫病汗不出。出不至足者死。厥汗出。腎脈強急者生。虛緩者死。溫病下痢。腹中痛甚者死。熱病七八日。不汗躁狂。口舌干燥焦黑。脈反細弱。或代者死。八日以上。反大熱死。邪勝故也。熱病七八日。當汗反下。脈絕者死。熱病得汗。脈躁者死。脈轉大者死。厥逆呼之不應。脈絕者死。陽厥有力者生。陰厥按之大者生。熱病七八日。脈不躁。喘不數。後三日中有汗。不汗者。四日死。熱病脈濇小疾。腹滿臑脹。身熱不得大小便死。熱病脈浮大。絕喘而短氣。大衄不止。腹中疼死。熱病脈浮洪。腸鳴腹滿。四肢清。注泄死。熱病脈絕動疾。便血奪形肉。身熱甚死。熱病脈小疾。咳喘眩悸。奪形肉。身熱死。熱病腹脹便血。脈大時時小絕。汗出而喘。口乾視不見者死。熱病脈轉小。身熱甚死。熱病脈轉小。身熱甚。欬而便血。目陷妄言。循衣縫。躁擾不臥死。熱病嘔血。咳而煩滿。

身黃。腹鼓脹。洩不止。脈絕死。熱病瘕癥。狂走不能食。腹滿胸痛引腰脊。嘔血死。脈浮而洪。邪氣勝也。身體如油。正氣脫也。喘而不休。水漿不下。胃氣盡也。體麻不仁。營衛不行。乍靜乍亂。正邪爭也。故爲命絕也。熱病喘欬唾血。手足腹腫。面黃振慄不言。名肺絕死。丁日死。後倣此。熱病頭痛嘔宿汁。嘔逆吐血。水漿不入口。狂妄腹大滿。名脾絕死。熱病煩滿。骨痛。噎腫不可咽。欲欬不能欬。歌笑而哭。名心絕死。熱病僵臥。足不安地。嘔血。血妄行。遺尿溺。名肝絕死。熱病喘悸。吐逆骨痛短氣。目視不明。汗如珠。腎絕死。太陽病。脈反躁盛。是陰陽交死。得汗脈靜者生。少陰病。惡寒而踈。下利手足逆者死。又吐利躁逆者死。少陰病。四逆惡寒而踈。其脈不至。不煩而躁者死。少陰病。下利止而頭眩時時自冒者死。又七八日息高者死。少陰病。脈微沉細。但欲臥。汗出不煩。自欲吐。五六日自利煩躁不得臥寐者死。若利止惡寒而踈。手足溫者可活。少陰病。下利止。厥逆無脈不煩。服湯藥。其脈暴出者死。微續者生。傷寒下利。厥逆躁不得臥者死。下利至厥不止者死。傷寒厥逆。六七日不利。便發熱而利者生。汗出利不止者死。有陰無陽故也。傷

寒五六日。不結胸腹濡。脈虛復厥者。不可下。下之亡血死。熱病不知所痛。不能自收。口乾陽熱甚。陰頗有寒者死。熱病在腎。渴口乾。舌燥黃赤。日夜飲水。不知腹大脹。尚飲。目無精光者死。傷寒下利。日十餘行。脈反實者死。病者脇下素有痞。而下至於臍旁。痛引小腹。入陰挾筋。爲臟結者死。結胸證具。而煩躁者死。直視譫語喘滿者死。若下利亦死。

因房勞辛苦之過。腠理開洩。少陰不藏。觸冒冬時。殺厲之氣。嚴寒之毒。中而卽病。曰傷寒。不卽病。寒毒藏於肌膚之間。至春變爲溫。至夏變爲熱病。皆腎水涸。春無以發生故也。皆熱不得發洩。鬱於內。遇感而發。雖曰傷寒。實爲熱病。春病溫疫。夏爲熱病。及飧洩。秋發痰癰。冬生咳嗽。皆因感四時不正之氣。總名之曰傷寒。

證治。自外而入。內傳經絡。

太陽證。頭疼發熱惡寒。腰脊強。脈浮而緊。無汗。謂之傷寒。可汗。宜麻黃湯。脈緩自汗。謂之傷風。宜桂枝湯。忌利小便。重汗。下大便。陽明證。身熱目疼鼻乾。不得臥。不惡風寒而自汗。尺寸脈俱長。宜白虎湯。浮

沉按之有力。宜大承氣湯。胃血也。不主汗利。忌汗。利小便。

少陽證。往來寒熱。胸脇痛而嘔。耳聾。脈弦。宜和解之。小柴胡湯。膽無出入水。

火之間。下犯太陽。汗下利皆不可。忌利小便。忌汗。忌利大便。

太陰證。腹滿咽乾。手足自溫。自利不渴。時腹痛。脈沉細。其藏寒。宜四逆湯。脈

浮可汗。宜桂枝湯。又大實痛可下。用詳。忌三法。宜三法。用詳。

少陰證。口噤舌乾而渴。脈沉實。宜大承氣湯。脈沉細遲者。宜用溫之。四逆湯。

身涼。脈沉細而虛。宜瀉心湯。身熱煩躁不寧。大小便自利。脈浮洪無力。按

之全無。宜附子瀉心湯。其吐瀉不渴。脈浮弱。理中湯主之。渴而脈沉。有力

而疾。宜五苓散。少陰證。脈沉發熱。當汗。麻黃細辛附子湯。少陰證。下利色

不青。當溫。色青口燥。當下。脈弱忌下。乾燥忌汗。厥陰證。煩滿而囊縮。大小

便不通。發熱引飲。腹滿。脈俱微沉實。按之有力。當下。無力。當溫。厥陰乃二陰交

盡。曰厥陰爲生化之源。喜溫而惡清。大抵三陰非胃實不可下。此三陰無傳

經。止胃實可下也。

太陽標本不同。標熱太陽發熱。本寒膀胱惡寒。故宜汗。

陽明從中氣。標陽肌熱。本實妄語。標陽故宜解肌。本實故宜下。
少陽。標陽發熱。本火惡寒。前有陽明。後有太陰。故宜和解。
太陰。標陰本濕。腹脹滿。或噎乾。身目黃。從標治則溫。從本治宜洩滿下濕。
少陰。標陰爪甲青冷。本熱脈沉實口乾渴。標宜溫。本宜下。
厥陰。中氣宜溫。煩滿囊縮。故爲熱。宜苦辛下之。麻黃桂枝之輩。汗而發之。葛
根升麻之屬。因其輕而揚之。三承氣陷胸之輩。引而竭之。瀉心十棗之類。中滿
泄之。在表宜汗。在裏宜下。在半表半裏宜和。表多裏少。和而少汗之。裏多表少。
和而微下之。在上者吐之。中氣與脈氣微者溫之。脈亦同法。又當求本。假令
腹痛用桂枝芍藥湯。何不用芍藥。却於桂內加之。要知從太陽中來。故太陽
爲本。又如結胸麻黃亦然。
劉法。分病及脈。以五藏言之。諸在皮者汗之。麻黃湯內加表之。在內者下之。麻
黃細辛附子湯內加下之。
此言藏者五臟也。可通經入臟。物之藏者府也。方可下。麻黃湯治外證之外。麻
黃細辛附子湯治內證之外。

肝脈外證。善潔。面青。善怒。脈弦。前方加羌活、防風三錢。

內證。滿。秘。便難。淋瀝。轉筋。沉而弦。後方加同前。

心脈外證。面赤。口乾。善笑。脈沉而洪。前方加黃芩、石膏各三錢。

內證。煩心。心痛。掌中熱而噦。脈沉。後方加同前。

肺脈外證。面白。善嚏。悲愁欲哭。脈浮而澁。前方加薑、桂各三錢。

內證。喘咳。洒淅寒熱。脈沉。後方加生薑、桂枝。

脾脈外證。面黃。善噫。善思味。脈浮而緩。前方加白朮、漢防己。

內證。腹脹滿。食不消。怠惰。脈沉。後方加同前。

腎脈外證。面黑。善恐。脈浮。前方加附子、生薑。

內證。泄。如注。下重。脛寒。脈沉。後方加同前。

已前外證。皆表之表。汗而發之。內證者。裏之表也。漬形以汗。如脈沉。復有裏證。

裏證。爲發熱引飲。便利赤澁。泄下赤水。或秘。按之內痛。此爲裏證。宜速下之。依

方加大黃三錢。如邪又未盡。復加大黃二錢。

劉張又相繼論人多勞役飢飽者。得之火化火擾。治之宜以辛涼。比及年少性

急勞役。豈非火乎。遲脈年老之人。可以辛溫解之。故制雙解散。治諸傷寒時氣。在表裏皆可服之。表裏證有相似。藥不可差。傷寒表證。發熱惡寒而渴。獨頭痛。身熱目疼鼻乾。不得臥。乃陽明經病也。白虎湯主之。雜證裏證亦同。但目赤者。藏病也。脈亦洪大。甚則吐血。先有形也。乃手太陰肺不足。不能管領陽氣。亦以枸杞、地黃等物治之。

補瀉當察虛實。假如洪弦相雜。洪客也。弦主也。子能令母實。又脈弦無表證。是東方實。西方虛也。又前來者爲實邪。依此補瀉。餘倣此行之。

表汗。通聖散、雙解散。

半表半裏。涼隔散、柴胡湯。

裏下。右手脈實承氣湯。左手脈實抵當湯。不分浮沉。但實可用。

血氣俱實。主三承氣湯。溫。四逆湯、真武湯。解利。五苓散、解毒散、白虎

湯、甘露飲、梔子湯。發黃。茵陳湯。

傷寒得傷風脈。傷風得傷寒脈。假如太陽證。頭疼身熱。自汗惡風。脈當緩而反緊。是傷風得傷寒脈也。餘以例推之。桂枝麻黃各半湯、羌活湯尤妙。

吐瓜蒂散。瓜蒂赤小豆。豆豉湯下一錢。結胸脈浮大者不可下之。下之必死。

小陷胸湯

半夏

黃連薑汁炒

瓜蒌實

大陷胸丸

炒大黃五錢

苦葶藶炒三錢

芒硝一錢

杏仁十二箇

丸如彈子大每服一九入甘遂末三字。蜜半匙。水煎至半溫服。

六經餘證

太陽症。汗多熱利。誤下變證。

陽明煩躁。火入於肺煩也。火入於腎躁也。梔子豆豉湯。宿食加大黃。狂譫實熱。

發斑。胃火嘔吐噦。

少陽潮熱。有平旦日晡之分。詳見前。

太陰腹痛有部分。同雜證治。痞有虛實。實便秘。厚朴枳實。虛便利。白芍。

少陰心驚悸是雜證。吐瀉同霍亂證。治咽喉熱。甘草桔梗。寒熱合二方。

下利色青下。色不青溫。渴逆乃陰消陽逆。或兼以舌攣語言不正。昏冒咽

痛。大承氣。

厥陰羌活湯

厥利傷寒。不問何經。辨兩感傷寒之例。

羌活

防風

川芎

甘草

黃芩各一錢

地黃

細辛二錢

白朮二錢

加身熱。加石膏四錢

腹痛。加芍藥

三錢

往來寒熱。加柴胡一錢

半夏五錢

心下痞。加枳實

一錢

裏證。加大黃三錢

邪去止之。

治疫

麻黃一兩

甘草半兩

石膏

滑石

黃芩

白朮四兩

煎服表汗。

解利 大羌活湯

治兩感傷寒

出李

防風

羌活

獨活

防己

白朮

甘草炙

黃芩

黃連

蒼朮

川芎

細辛各三錢

知母

生地黄各一兩

白芷陽明加之。

雙解散

混解不問風寒

出張李劉皆用

梔子豉湯

出李

消毒飲 治疫癘時毒

黃芩

黃連各半

連翹一錢

陳皮

玄參各三錢

甘草

黍粘子

板藍根

馬勃各一錢

人參

殭蠶各一錢

桔梗三錢

升麻七錢

柴胡五錢

薄荷

川芎各五錢

大黃便硬加之。以水煎服。

傷寒中寒說 傷寒爲外寒鬱內熱。傷寒面慘而不舒。惡寒不惡風。中寒謂

寒乘其膚腠。不分經絡。疎豁一身。無熱可發。溫補自安。此胃氣之大虛也。

風濕不可汗下論 春夏之交。病如傷寒。自汗。肢體重痛。轉側難。小便不利。此

名風濕。非傷寒也。因陰雨卑濕。或引飲多有此證。宜多與五苓散。切忌汗下。

四證類傷寒 傷寒右寸脈緊盛。痞滿。

脚氣如傷寒證。但病起於脚胫。痰證嘔逆頭痛。脈浮而滑。痞滿虛煩。不惡寒。

不頭痛身疼。

陽毒身重腰脊痛。狂言。或吐血下利。脈浮大數。咽喉痛。唾血。面赤如錦文。五六

日可治。

陰毒身重背強。腹中絞痛。咽喉不利。毒氣攻心。心下堅。嘔逆。唇青面黑。四肢冷。脈沉細緊數。身如打。五六日可治。

陰盛格陽。目赤煩躁不渴。或渴不欲水。脈七八至。按之不鼓。薑附主之。

陽盛拒陰。身表涼痛。四肢冷。諸陰證。脈沉數而有力。承氣主之。

陽厥極深。或時鄭聲。指甲面色青黑。勢困。脈附骨。按之有。舉之無。因陽氣拂鬱。不得榮運於四肢。以致身冷。先涼膈。養陰退陽。以待心胸微煖。可承氣下之。陰證身靜。重語無聲。氣難布息。目睛不了了。鼻中呼不出。吸不入。口鼻中氣冷。水漿不入口。二便不禁。面上惡寒。有如刀刺。

陽證身動。輕語有聲。目睛了了。鼻中呼吸出入。能往能來。口鼻氣熱。

傷風氣出粗。合口不開。面光而不慘。惡風不惡寒。傷食口無味。液不納息肩。

兩感。一日太陽受之。即與少陰俱病。頭疼口乾。煩滿而渴者是。二日陽明

受之。即與太陰俱病。腹滿身熱。不飲食。譫語。三日少陽受之。即與厥陰俱病。

煩滿囊縮。水漿不入口。不知人。六日死。

瘧太陽病。發熱無汗。反惡寒者。名剛瘧。無汗爲表實。惡寒爲重感。故名剛瘧。太陽病發熱有汗。不惡寒者。爲柔瘧。表虛傷濕。其病身熱足寒。頸項強急。惡寒時頭熱。面赤目脈赤。頭搖。卒口噤。背反張。

中濕見前脈。其病一身盡黃。頭痛汗出。欲水而不能飲。反欲近火。頭汗乃邪搏諸陽。熱不得越。津液上湊。又見自汗條下。

手足汗。有邪聚於胃。則便硬。有寒則便溏。不能食。小便不利。

煩躁有熱。傳於內。胸中有熱。關前洪數。宜解熱。有虛因汗吐下。虛協餘熱。身不疼。脈不緊數。宜補之。又初解胃弱強食。胃脈浮洪。

胎皆心經之熱淺深也。白而滑。乃邪在半表半裏也。白而澀。熱在裏也。黃而乾。熱在胃也。黑者宜下。

噦皆胃疾。或寒或妄下之虛。

厥手足冷。有寒有熱。先熱而後厥者。熱伏於內。先厥而後熱者。陰退陽氣復。始得之便厥。皆陽不足而陰勝也。所主爲寒。譫語四證。傷寒譫語屬陽明經。乃胃有熱。脈洪大者。是宜調胃承氣湯。

身不熱身困者。謂之鄭聲。病退人虛。脈和平。宜滋補。

婦人經來。適邪氣乘虛入於血海。左關脈數者。小柴胡湯主之。

有邪祟者。言語涉邪。頗有意思。狀多變。與病相違者是。

氣喘七證。傷寒太陽證。下之微喘者。內虛外熱故也。宜解其表。飲水過多。

水停心下。胸膈滿而喘者。宜利其小便。病本無喘。因藥下之。瀉止而喘。其色

已脫。不治。喘而四逆者。不治。喘而噫者。不治。

喘而魚口者。不治。喘而目閉面黑者。不治。

目瞪四證。傷寒至目瞪不省人事。此中風瘵證。以藥開關吐痰。瘵退眼開。隨

證治之。

傷寒病已過經。瘵退無熱。人困不語。脈和目瞪。謂之戴陽。下虛故也。

陽毒不解。熱毒之氣伏於太陽之經。故便目瞪。六脈弦勁。漸作魚口。氣粗者死。

太陰痰潮。上灌七竅。兩目瞪。與小兒驚風之類同。下痰則愈。

舌卷唇焦。乃心肝熱極。三焦精液不生。可治。舌卷卵縮。厥陰絕也。必死。

厥逆幽悶三證。陰毒陽冷。四肢逆冷。心膈幽悶。默默思睡。脈沉伏者是。

傷寒起。汗下後。又戰汗過多。人困身冷不動者。乏陽也。傷寒未三日。身冷額上汗出。面赤心煩者。非陰毒證。謂之陰盛格陽。陰氣并於外。陽氣伏於內。其脈沉數也。

咽乾二證。少陽證。口舌咽乾。乃膽熱也。小柴胡湯。少陰證。口燥咽乾。主腎熱。津液不生。宜下。

惡寒三證。發熱惡寒。發于陽。脈浮數。宜麻黃桂枝汗之。無熱惡寒。發于陰。脈沉細。宜四逆溫裏。發汗後。反惡寒。氣虛也。脈弱微。補虛。芍藥附子甘草湯主之。

惡風三證。汗出而脈緩。宜桂枝加葛根湯。便遍身潤。

太陽病。發汗過多。亡陽。胃虛加風。當溫其經。宜桂枝加附子湯。

風濕相搏。骨節煩痛。不得屈伸。汗出惡風。不欲去衣。宜甘草附子湯。

汗後發熱。并再傷入證。發汗不入格。其病不解。宜再汗之。發汗後。再傷風

邪而熱。宜發汗。再傷風寒而熱。隨證治之。汗後溫之熱。脈弦小而數者。有

餘熱也。宜和解之。汗後溫之熱。脈靜身無痛處。虛熱也。宜平補之。汗後溫

之熱。或渴。或煩。或胸滿。或腹急。有裏證。脈沉數。宜下之。勞力而再熱。平解勞倦。宜柴胡驚甲散。食過而熱者。宜消化其食。

中暍。夏月發熱惡寒。小便已。洒然毛聳。脈弦細而芤遲。宜白虎人參湯。忌汗下。中暑背寒面垢。手足微冷。煩燥引飲。四肢不痛。脈浮。宜五苓白虎。

中溫。冬月冒寒。至春夏再感乖常之氣。

風溫。先傷風。後傷溫。頭疼自汗。體重息如喘。但默默欲眠。尺寸脈俱浮。暑脈浮。證同前條下。

溫毒。汗吐下。表未罷。毒邪入臟。身有斑。脈陽洪數。陰實大。濕溫。先傷濕。後中暑。暑。

瘟疫。衆人一般。脈陽虛弱。陰弦緊。

潮熱。陽明申酉時分也。胃實宜下。寒熱相繼在他時。太陽病熱在寅卯。少陽在巳午。

汗自出。太陽經自汗。營弱衛強也。中風。太陽脈緩。風溫身重多睡。脈浮緩。

風濕。脈沉而細。證同前條下。少陰咽痛拘急。四肢疼厥逆。自汗亡陽也。

太陽亡陽自汗。柔痙同前痙下。

除中者死。傷寒六七日。脈遲。下利而熱。合與黃芩湯。徹其熱。腹中惡冷。當不能食。今反能食。名曰除中。脾經受邪。則下利而熱。合與黃芩。邪熱未去。而胃氣先去。

禁忌。厥陰心痛發斑。不飲食。食則吐衄。下則利不止。諸四肢厥逆不可下。五六日不結胸。腹痛滿。脈虛復厥者。不可下。當下反汗之。必口爛。少陰脈沉細數。病在裏。忌汗。微者忌汗。尺脈弱瀋者。不可下之。太陰腹滿。吐食不下。自利時腹自痛。忌下。下之胸下結硬。脈弱自便利。雖用下。宜減之。

少陽不可汗。忌利小便。忌利大便。犯之各隨上下前後本變。及中變諸變例。太陽小便不利。不可利之。利之邪氣入裏不能解。咽乾淋衄。小便不利。當汗不可汗。在表不可下。下之動血。誤犯之。成結胸痞氣。汗之成血畜於胸中。當汗而下之。成協熱利。

太陽證誤下有八變。脈浮者。必結胸。緊者。必咽痛。弦者。必兩脇拘急。

細數者。頭疼不止。沉緊者。必欲嘔。沉滑者。必熱利。浮滑者。必下血。陽明不當發汗。發汗成畜血。上焦爲衄。不當下而下之。血畜下焦發狂。有年老患時熱狂妄。服附者愈。服寒涼者死。

足太陽未渴小便清者。禁利。咽乾禁汗。成畜血。禁下太早。已渴者。五苓散。譫語潮熱大渴。宜下。足少陽三禁。胃實可下。足太陰禁下。足少陰脈

沉口燥咽乾而渴。禁汗。脈澁而弱。禁下。三陰非胃實不可下。

治三焦便有膽少陽經。作風治不宜汗。下利小便。治心便有腎少陰。故本熱標寒。故脈沉細。按之洪大。用承氣湯。酒製熱飲是也。

治膀胱便有小腸太陽。故本寒標陽。故脈緊數。按之不鼓而空虛。用薑附寒飲頓服。

治肺便有脾太陰。故寒因寒用。大黃枳實下之。

治陽明純陽大腸。喜熱惡清。當以熱治寒也。絡宜清。當以寒治熱。

許學士解利外感

傷風者惡風。用防風二錢

甘草

麻

黃一錢

頭痛加川

項背腰痛。加羌活。

身重。加蒼朮。

肢節痛。加羌活。

目痛鼻

乾及痛。加升麻。

或乾嘔。或寒熱。或脇下痛。加柴胡。

傷寒者惡寒。

用麻黃二錢。防風。

甘草一錢。頭沉悶。加羌活一錢。

凡治傷寒。以甘草爲君。防風、白朮爲佐。是寒宜甘發也。看他證加減。傷風以防風爲君。甘草、白朮爲佐。是風宜辛散也。其傷寒表證。以石膏、滑石、甘草知母、葱豉之類。汗出卽解。如熱半表半裏。與小柴胡汗出而愈。熱甚大柴胡與之。更甚小承氣。裏熱甚大承氣。發黃者茵陳蒿湯下之。結胸陷胸湯下之。

內傷見於右手。內傷躁作寒已。寒作躁已。不相併。但有間。且晡時必減。乃胃氣得令。潮作之時。精神困倦。乃其氣不足。

外傷見於左手。外傷但無間。且晡時必作劇。乃邪氣盛。潮作之時。精神有餘。乃邪氣勝。

寒邪不能食。風邪能食。

表虛不作表虛治。或勞役於涼處解衣。或陰虛新浴。表虛爲風寒所遏。切不可

妄解表。

七大頭腫痛 附蝦蟆瘟

因陽明邪熱太甚。故資實少陽相火而爲之也。濕熱爲腫痛。治之視其腫勢在何部分。隨結而取之。是天行也。

治。黃芩炒 甘草 大黃煨 黍粘子炒 芒硝

陽明渴加石膏。少陽渴加瓜蒌根。陽明行經加升麻、白芍、葛根、甘草。太陽行經加羌活、防風。

蝦蟆瘟

因風熱。治。解毒丸下之。

側柏葉自然汁調蚯蚓糞敷。燒灰大妙。車前葉服。或丁香尖、附子尖、南星酢磨敷皆可。五葉藤汁敷亦可。

入霍亂

脈微澁。或代或伏。脈弦滑者。膈有宿食。身卻不熱爲霍亂。大者生。微遲者死。

脈洪者熱。

因其氣有三。一曰火。二曰風。三曰濕。

邪在上焦則吐。下焦則瀉。中焦則吐而且利。吐爲暍熱也。瀉爲濕也。風勝則動。故轉筋也。或因大渴而大飲。或飢或飽甚。傷損胃氣。陰陽交爭而不和。此爲急病也。不死。如乾霍亂而不得吐利。必死。

證其狀。心腹卒痛。嘔吐下利。憎寒發熱。頭痛眩暈。先心痛則先吐。先腹痛則先下。心腹俱痛。吐利並作。甚則轉筋入腹。則死。不然則吐瀉。乾霍亂者。忽然心腹脹滿絞刺痛。欲吐不吐。欲利不利。須臾則死。以鹽湯大吐之。佳。

外有衝惡。病同而名異。

治。五苓散。治熱多飲水。關上脈洪者。熱也。宜清之。

理中丸。治寒多不飲水。身不熱者。

半夏湯。治霍亂轉筋。吐利不止。身痛不止者。宜加桂枝湯。

半夏蠲

茯苓

陳皮

白朮

薄荷

桂枝

甘草

和解散

治霍亂

此條內有所積。外爲邪氣所阻。甚用吐法。二陳湯。

和解散

川芎

蒼朮

白芷

防風

九瘟病

證。衆人一般者是。治有三法。宜補。宜散。宜降。

大黃

黃芩

黃連

人參

桔梗

蒼朮

防風

滑石粉

人中黃

香附子

下。右神麴丸。送下。隨宜。氣虛。四君子。血虛。四物湯。痰。二陳湯。熱甚。童便作湯送下。

春夏不服麻黃。

秋冬不服桂枝。

夏不服青龍。

冬不服白虎。

十傷暑

脈。脈虛身熱。或浮自汗。自汗者。火動而散故也。

因夏火太熱。損傷肺金元氣。其感有二。動而得之。乃辛苦之人。動而火勝。熱傷氣也。脈洪而大。靜而得之。乃安樂之人。靜而濕勝。火勝金位也。脈沉而實。

證。治暑喜歸心。入心則噎塞。昏不知人。入肝則眩暈。入肺則喘滿痿癱。入脾則昏睡不覺。入腎則消渴。病則怠惰嗜臥。四肢不收。精神不足。兩脚痿弱。頭疼惡熱。躁熱大渴。引飲。大汗。因動而中。白虎加人參湯主之。頭疼惡寒拘急。肢節疼大熱無汗。因靜而中。大順散。白虎加蒼朮。有陰勝陽之極。甚則傳腎。肝爲痿厥。清暑益氣湯主之。

凡中暈死。切忌與冷水涼處。須沃以湯。宜黃龍圓主之。

心虛傷暑。身熱頭痛。煩滿而渴。五苓散主之。肺虛傷暑。身熱煩悶而喘。白虎湯主之。脾虛傷暑。則爲痃瘕。常山飲主之。

黃連香薷湯 治暑 挾痰加半夏 虛加參朮。

清暑益氣湯 治暑傷金虛甚。

玉龍丸 曾用治暑 油炒半夏薑汁丸。

補中益氣湯 治主夏痰滲。

二苓湯 治春夏之交。病似傷寒。自汗體重。痛難轉側。此名中濕。

澤瀉 一兩 滑石 二兩 茯苓 猪苓 白朮 半兩

暑風挾火痰實者可用吐法。

玉龍丸 治暑泄瀉或二便秘。

焰硝 明礬 滑石 硫黃 一兩 白麵 六兩

水丸水下。

十一瘧

脈。瘧脈自弦。弦數多熱。弦遲多寒。弦小緊者可下之。弦遲者可溫之。緊數

者可汗灸之。浮大者可吐之。弦數者風發也。以飲食消息止之。

因。夏暑舍於營衛之間。腠理不密。遇秋之風。玄府受之。慘愴之水寒氣。閉而不出。

舍於腸胃之外。與營衛並行。晝行於陽。夜行於陰。併則病作。離則病止。併於陽

則熱。併於陰則寒。淺則日作。深則間日。在氣則早。在血則晏。因汗鬱成痰。因虛

弱陰陽相乘。

外因。從六淫。有寒溫痺濕牝。寒則先寒後熱。溫則先熱後寒。痺則但熱不寒。濕則身骨節疼。牝則寒多不熱。內因。有臟氣不和。鬱結痰飲所致。有肝心脾肺腎之說。說見後。

不內外因。疫瘧。一歲之內。大小相似。鬼瘧。夢寐不祥。瘧瘧。乍有已。食瘧。因飲食得之。勞瘧。因勞得之。母瘧。有母傳染者也。

李論。夏傷於暑。秋爲痎瘧。暑者。季夏濕土。濕令不行。則土虧矣。所勝妄行。木氣太過。少陽主也。所生者受病。則肺金不足。不勝者侮之。水勝土之分。土者坤。坤在申。申爲相火。水入土。則水火相干。則陰陽交作。肺金不足。洒淅惡寒。土虛少陽乘之。則爲寒熱。發於秋者。濕熱則卯酉之分也。

證治。先寒而熱。謂之寒瘧。先熱而寒。謂之溫瘧。治之宜乎中也。中者少陽也。渴者燥勝也。不渴者濕勝也。又有得之於冬。而發於暑。邪舍於腎。足少陰也。有藏之於心。內熱畜於肺。手太陰也。但熱而不寒。謂之瘧瘧。足陽明也。在太陽經。謂之風瘧。宜汗之。在陽明經。謂之熱瘧。宜下之。少陽經。謂之風熱。宜和之。

此傷之淺也。在陰經則不分三經。謂之溫瘧。宜從太陰經論之。此傷之重也。太陽經。頭痛腰痛。寒從背起。先寒後熱。宜小柴胡、羌活、地黃湯。少陽經。心體解。休寒熱不甚。惡見人。多汗出甚。小柴胡湯。陽明經。先寒久乃熱。熱大汗。喜見火乃快。宜桂枝、二白虎一湯。少陰經。嘔吐煩悶。熱多寒少。欲閉戶而處。病難已。小柴胡加半夏湯。太陰經。好太息。不嗜食。多寒熱汗出。病至喜嘔乃衰。理中湯。厥陰經。小腹腰痛。小便不利。意恐懼。四物、玄明、苦楝、附子湯。心瘧。煩心。甚欲得清水。反寒多不甚熱。宜桂枝、黃芩湯。肺瘧。心寒甚熱。間善驚。如有見者。桂枝加芍藥湯。肝瘧。色蒼蒼然。太息。其狀若死。通脈四逆湯。脾瘧。寒則腹痛。熱則腸鳴。鳴已汗出。小建中湯、芍藥甘草湯。腎瘧。腰脊痛。宛轉便難。目眴然。手足寒。桂枝加當歸芍藥湯。胃瘧。將病也。善飢不能食。能食而肢滿腹脹。理中湯、九主之。勞瘧。經年不差。後復發作。微勞力不任。名曰勞瘧。

母瘧百藥不差。結成癥癖在腹脇。名瘧母。

治雖不同。瘧得於暑。當以汗解。或汗不徹。鬱而成痰。宜以養胃化痰發汗。邪氣得出。自然和也。虛則補之。脈洪數無力者是也。

羌活湯 治邪氣淺在表。

羌活

防風

甘草

惡寒有汗加桂枝。

惡風無

汗加麻黃。

吐加半夏。

麻黃桂枝湯 治夜瘧。此散血中風寒。

麻黃一兩

桂枝二錢

甘草三錢

黃芩五錢

桃仁

三十粒

邪氣深入入血故夜。以桃仁緩肝散血中邪。

桂枝石膏湯 治邪深間日。

桂枝

石膏

知母

黃芩

汗出不愈。爲

內實外虛。寒熱大作。必傳入陰。太陽陽明。葢芍。寒熱傳入太陽陽明少陽合病。加柴胡。半夏。人參。甘草。

藜蘆散 治久瘧欲吐不能吐。宜吐之。

藜蘆爲末。溫蠶水調下半錢。以吐爲度。

張法 白虎加參湯。小柴胡合五苓散。神祐丸治之。

服前三方未動。次與之承氣湯治甚者。甘露飲調之。人參柴胡飲子補之。常山飲吐之。

老瘧丹 治老瘧。風暑入陰在臟。礙血氣。

川芎

桃仁

紅花

當歸

蒼朮

白朮

白芷

黃蘗

甘草

右水煎。露一宿。次早服之。

瘧母丸

治瘧母食瘧。

鼈甲君酢炙

三稜

莪朮酢炙

香附子

阿魏食積加酢化

截瘧丸

先補藥表藥。徹起陽分。方可截。

川常山

草果

知母

檳榔

烏梅

川山甲炒

甘草炙

用水一大碗。煎半碗。露一宿。臨發時溫服之。宜吐。

一補一發丹。治久瘧內傷挾外邪。內發必主痰。外以汗解。

半夏 茯苓 陳皮 柴胡 黃芩

蒼朮 川常山 葛根 虛加參朮補氣。甚加芩連。

有一人夏感。脈沉細。服之愈。

常山湯 治婦胎瘧。

常山二兩 黃芩三兩 石膏八錢 烏梅十四

甘草一兩 煎服之。

不二散 白麵二兩 砒一錢 和勻。以香油一斤。煎之色黃。用草紙

壓之。去着爲末。入江茶三兩。每服一字。

神妙絕瘧 木通 川者 秦艽 去蘆 川山甲 炙 常山 各等

辰砂 另研 烏梅 七箇 大棗 七箇 右以水三盞。煎至半。入酒一

錢。再至半。先刮砂棗服。次服藥。

十二疸

脈證。脈沉。渴欲飲水。小便不利。皆發黃。脈沉乃陽明畜熱。喜自汗。汗出入水。熱鬱身腫。發熱不渴。名黃疸。脈緊數。乃失飢發熱。大食傷胃。食則腹滿。名穀疸。數爲熱。熱則大食。緊爲寒。寒則腹滿。脈浮緊。乃因暴熱浴冷水。熱伏胸中。身面目悉如金色。名黃疸。陽明病。脈遲者。食難用飽。飽則發煩。頭眩者。必小便難。欲作穀疸。脈沉弦。或緊細。因飲酒。百脈熱。當風入水。懊懣心煩。足熱。名酒疸。其脈浮。欲嘔者。先吐之。沉弦者。先下之。脈浮緊。乃大熱。交接入水。腎氣虛。流入於脾。額黑。日晡熱。小腹急。足下熱。大便黑。時澹。名女勞疸。腹如水狀。不治。脈寸口近掌無脈。口鼻冷。不治。其病身熱。一身盡痛。發黃便澹。因內熱入水。濕熱內鬱。衝發胃氣。病雖有五。皆濕熱也。治諸黃家。但利其小便。愈。假令脈浮。以汗解之。如便通汗。自當下之。愈。當以十八日爲期。治之十日以上爲差。反劇者難治。治法以疏濕利小便清熱。或汗之。五苓加茵陳連類。

茵陳梔子湯 茵 陳去一兩 大黃半兩 山梔十箇 豆豉湯下。
五苓散 熱加苦參。渴加瓜蒌根。便澹加葶藶。素熱加黃連。

茵陳蒿湯 治黃疸寒熱不食。食則頭眩。心胸不安者。是。

滑石石膏丸 治女勞疸。證見題下。

滑石 石膏 研末下粥飲。便利則止。

十二燃方勞極順 熱勞瘵

脈。男子平人脈大爲勞。極虛爲勞。浮大爲裏虛。男子脈虛弱細微者。善盜汗。男子脈虛沉弦。無寒熱短氣裏急。小便不利。面色白。時目瞑喜衄。諸氣動微。緊。男子失精。女子夢交。脈沉小遲。名脫氣。其人疾行則喘。手足寒腹滿。甚則溲洩食不消。脈弦而大。大則爲乾。弦則爲減。女子漏下。男子失精。脈微弱而澁。爲無子。精氣清冷。尺脈弱寸強。胃絡脈傷。安臥脈盛。謂之脫血。脈舉之而滑。按之而微。看。在何部。以知其藏。尺弱滑而澁。下虛也。尺滑而澁。疾。爲血虛。脈數。骨肉相失。聲散嘔血。陽事不禁。晝涼夜熱者死。脈輕手則滑。重按則平。看。在何經。而辨其府。寸弱而微者。上虛也。因喜怒不節。起居不時。有所勞傷。皆傷其氣。氣衰則火旺。火旺則乘其脾土。而胃

氣元氣散解。不能滋養百脈。灌注藏府。衛護周身。百病皆作。證。百節煩疼。胸滿氣短。心煩不安。耳聾鳴。眼黑眩。寒熱交作。自汗飧泄。四肢怠惰者。

外有脾痺。中風。濕痺病。傷暑骨熱不同。

治法以甘寒瀉火。甘溫補中。溫之收之。

十全散。四物湯。治血虛。四君子湯。治氣虛。加升麻。補中益氣湯。

牛膝丸。治腎肝損。骨痿不能起床。筋緩不能收持。

川草薺炒

杜仲炒

菴蓉酒浸

兔絲酒浸

牛膝酒浸

蒺藜治肝各等分

桂枝半兩

酒煮猪腰子丸。梧桐子大。空心酒下。亦治腰痛。

腎氣丸。治腎脾不足。房室虛損。宜此榮養血以益腎。腎苦燥。以辛潤之。

致津液。故用川芎。酸以收之。故用五味。蓋神方也。

蒼朮酒浸

熟地一斤

五味半斤

川芎冬一兩夏半兩秋

右爲末。用棗肉丸。米飲下。

地黃煎丸 解勞生肌活血。

生地汁

藕汁

杏仁汁

薑汁升各五

薄荷汁

鵝梨汁

法酒二升

沙蜜四兩

已上慢火熬成膏。入後藥。

柴胡三兩去蘆

秦艽去蘆

桔梗各二兩

熟地黃四兩 木香

枳殼炒

柏子仁炒

山藥

白茯苓

遠志去心

人參

白朮各一兩

麝香半錢另研

右爲末。和前藥。丸如梧桐子大。甘草湯下。

辛苦勞

柴胡

人參

黃芪

黃蘗

甘草

牡蠣散

治諸虛不足。津液不固。自汗出。

牡蠣煨取粉

麻黃根

黃芪

或加秦艽、柴胡、小麥同煎。

麥門冬湯

治大病後虛煩。則熱不解。不得臥。

半夏

竹茹

陳皮

茯苓

麥門冬

人參

炙甘草湯

治虛勞不足。汗出而悶。心悸脈結代。

酸棗仁丸 治虛勞虛煩不得眠者。

棗仁炒一兩 參 桂各一錢 茯苓三錢 石膏半兩 猪苓三錢

固精丸 治精滑。

牡蠣砂鍋煨酢淬七次。酢糊丸梧子大。空心鹽酒送下。

參歸散 治骨蒸勞。

知母炒 人參炒 秦艽去尖 北柴胡同朮炒

鼈甲麥湯浸七次 前胡各半兩 烏梅三箇 地骨皮

川常山酒浸三日 川歸同炒 甘草 白茯苓各七錢半

水煎服。

脾虛 本經宜四君子湯。

肝乘之脇痛。口苦往來寒熱而嘔。四肢滿悶。淋洩便難。轉筋腹痛。宜防風、獨活、

川芎、桂、芍藥、白朮、茯苓、猪苓、澤瀉、黃蘗、細辛、滑石。

心乘之。宜連芩、蘗、白芍、地黃、石膏、知母。

肺受病。痰嗽短氣。懶語嗜臥。洒淅寒熱。宜補中益氣湯。作涎清涕。肩甲腰脊痛。

冷泄。宜乾薑、朮、附、烏、蒼朮、桂、茯苓。

勞極

勞者。神不寧也。

肝勞實熱。關格牢澁。閉塞不通。毛悴色夭。肝勞虛寒。口苦關節疼痛。筋攣縮煩悶。

心勞實熱。口舌生瘡。大便閉塞。心滿痛。小腹熱。心勞虛寒。驚悸恍惚多忘。夢

寐驚覺。神志不定。

脾勞實熱。四肢不和。五臟乖戾。脹滿。肩息氣急不安。脾勞虛寒。氣脹滿。咽食

不下。通噎宿食臭。

肺勞實熱。氣喘鼻脹。面目苦腫。肺勞虛寒。心腹冷氣。氣逆遊氣。胸脇氣滿。從

脇達背。痛嘔逆虛乏。

腎勞實熱。小腹脹滿。小便赤黃。未有餘瀝。數少。莖中痛。陰囊生瘡。腎勞虛寒。

恐慮失志。傷精噓吸短氣。遺洩白濁。小便赤黃。陰下濕痒。腰脊如折。顏色枯悴。

盡力謀慮則肝勞。曲運神機則心勞。意外致思則脾勞。預事而憂則肺

勞。矜持志節則腎勞。

極者窮極無所養也。

筋實欬而兩脇下痛。不可轉動。脚下滿。不得遠行。脚心痛不可忍。手足爪甲青黑。四肢筋急煩滿。筋虛好悲思。支噓吸。脚手俱攣。伸動縮急。腹內轉痛。十指甲疼。轉筋甚則舌卷卵縮。唇青面色蒼白。不得飲食。脈實氣衰。血焦髮落。好怒。唇舌赭。甚則言語不快。色不澤。飲食不爲肌膚。脈虛虛則欬。欬則心痛。喉中介介如梗。甚則咽垂。

肉實肌脾。淫淫如鼠走。津液開。腠理脫。汗大洩。或不仁。四肢急痛。或腹緩弱。唇口壞。皮膚變色。肉虛體重怠惰。四肢不欲舉。關節痛疼。不嗜飲食。飲食則欬。欬則脇下痛。陰引背及肩。不可轉動。

氣實喘息衝胸。常欲自恚。心腹滿痛。內外有熱。煩嘔不安。甚則嘔血。氣短乏不欲食。口燥咽乾。氣虛皮毛焦。津液不通。力乏腹脹。甚則喘息。氣短息塞。晝差夜甚。

精實目視不明。齒焦髮落形衰。通身虛熱。甚則胸中痛。煩悶洩精。精虛眩

羸驚悸。夢洩遺瀝。小便白濁。甚則莖弱。核微。小腹裏急。骨實熱耳鳴。面色焦枯。隱曲膀胱不通。牙腦苦痛。手足酸疼。大小便閉。面腫垢黑。脊痛不能久立。氣衰髮落齒槁。腰背相引痛。甚則喜唾不了。骨虛

煩熱

內熱曰煩。外熱曰熱。

身不覺熱。頭目昏痛。口乾咽燥不渴。清清不寐。皆虛煩也。平人自汗。小便頻併。遺洩白濁。皆憂煩過度。大病虛後煩悶。謂之心虛煩悶。

古今錄驗五蒸湯 治五蒸病。

甘草炙一兩

人參

知母

黃芩各二兩

茯苓

熟地

葛根各三兩

竹葉二把

石膏五兩

粳米二合

右㕮咀。以水九升。煮取二升半。分爲三服。亦可以先煎小麥水。乃煎藥。忌海藻、菰菜、蕪夷、大酢。

實熱

黃芩

黃蘗

黃連氣也

大黃血也

虛熱

烏梅

秦艽

柴胡

青蒿氣也

蛤蚧

鼈甲

小麥

丹皮血也

肺鼻乾

烏梅

天冬

麥冬

紫苑

皮唾血

桑白皮

石膏

膚嗜睡

牡丹皮

氣喘遍身虛熱

人參

黃芩

梔子

大腸鼻右孔

大黃

芒硝

脈唾白浪語脈絡

生地黃

當歸

心舌乾

生地

黃連

血髮焦

地黃

當歸

桂心

童便

小腸下唇

赤茯苓

木通

生地

脾唇焦

芍藥

木瓜

苦參

肉食無味而嘔

白芍藥

胃舌下

石膏

粳米

大黃

芒硝

葛根

肝眼黑

川芎

當歸

前胡

筋甲焦

川芎

當歸

膽眼白

柴胡

栝蒌

三焦乍寒

石膏

竹葉

腎焦兩耳

生地

石膏

知母

寒水石

腦頭眩

地黃

防風

羌活

髓中熱

天冬

當歸

地黃

骨齒黑腰

鱉甲

地骨皮

牡丹皮

當歸

肉肢細膏腫

生地黃

胞赤小便

澤瀉

石膏

黃柏

膀胱焦左耳

沉香

茯苓

滑石

生地

外有胸中煩熱

肝中寒煩悶

肝中風酒疸

中暑中風濕心痺脾痺

肝虛寒精實

五心煩熱。小腸熱。心虛熱。

足下熱。酒疸。女勞疸。日晡熱如疸。

勞瘵

脈虛。

因痰與血病。

證其病俗名傳尸。雖多種不同。其病與前人相似。大略令人寒熱盜汗。夢與鬼交。遺泄白濁。髮乾而聳。或腹中有塊。或腦後兩邊有小核數箇。或聚或散。沉沉默默。咳嗽痰涎。或咯膿血。如肺痿肺癰狀。或腹下利。羸瘦困乏。不自勝持。雖不同證。其根多有蟲嚙心肺一也。

治。

青蒿半斗

童便三斗

文武火熬至七分。去蒿再熬至一升入猪膽

汁七箇。辰砂枳榔末再熬數沸。以甘草末收之。

四物湯

治虛勞痰竹瀝薑汁便。或加參朮。

三拗湯

治傳尸勞瘵寒熱交攻。久嗽咯血羸瘦。先服此方。後服蓮心散。

萬無一失。

麻黃

生甘草

杏仁不去皮尖炙。薑棗煎服。痰清則止。

蓮心散

當歸

黃芪

甘草

鼈甲酢炙

前胡

柴胡

獨活

羌活

防風

防己

茯苓

半夏

黃芩

陳皮

官桂

阿膠

赤芍

麻黃去節

杏仁

蓮心去心

天南星

川芎

荒花酢炒

枳殼炒

除荒花每服二錢半。水二盞半。薑三片。棗一枚。入荒花一抄。煎至八分服。須吐有異物。漸減荒花及甘草。殺蟲少之。

調鼎方

治傳尸勞神效。

混沌皮

一具酢炙

桔梗

芍藥

胡黃連

製大黃

甘草

豉心

苦參

貝母

秋石另研

草龍膽

知母

黃蘗蜜炙

芒硝

犀角一錢

蓬朮一箇

右煉蜜爲丸。溫酒下二十九丸。腸熱食前。膈熱食後。一月平安。

白蠟 塵 治療

